

Fra: [Øyvind Haga](#)
Til: [Jan Erik Boge](#)
Emne: Sv: Spørsmål i samband med evaluering av "Svinta"-skyss
Dato: onsdag 25. januar 2023 17:17:16

Hei igjen

Først vil me orientera om at frå 01.01.2023 er drosjedrifta i enkeltmannsføretaket Trond Haga Taxi ein del av Samtax AS. Enkeltmannsføretaket Trond Haga Taxi avviklar drifta frå same dato. Samtax AS har gjennomført ein emisjon der Trond Haga blir medeigar. Med dette grepet har vi styrka soliditeten til drosjedrifta i Samnanger kommune.

Bilpark og sjåførar i Trond Haga Taxi følgjer med over i aksjeselskapet, og det same gjeld rettar og plikter i høve til inngåtte kontraktar om drosjekøyring. Samtax AS overtek frå 01.01.2023 ansvaret for oppfylling av kontrakten med Tide om skulekøyring og med Helse Bergen om pasienttransport i Samnanger.

Når det gjeld spørsmålet om kor stor månadleg kommunal betaling me meiner er nødvendig for å oppretthalda "Svintaskysse" slik han fungerte i avtaleperioden, har vi sett på dette. Dersom eigendelen vert halde utanfor reknestykket, vil kommunalt bidrag måtta bli kr 36.000 pr månad eks mva - då har vi gitt 10 % frådrag på taksameterpris. Det er då ein føresetnad at omfanget ikkje aukar utover dei tala som kom fram av prøveperioden. Kva som skal skje ved vesentleg auke i bruken av ordninga må då inngå i avtaleverket. Det kan alternativt lagast ein modell der prisen varierer frå månad til månad der kommunen blir fakturert etter gjennomførte turar dokumentert med kvittering. Då kan eventuelt eigendel betalast kontant med kort, kontantar eller Vipps. Dette kan gå til frådrag. Kostnaden for kommunen vil vera litt meir uføreseieleg, men då vil begge partar få betre oversikt over reelle kostnader, og ha felles "risiko" for kostnadsauke ved større omfang. Med føresetnad om same omfang som i perioden april til september 2022, vil kommunalt bidrag då kunna variera frå ca kr 19.000 til kr 53.000 pr månad. Då er frådrag for eigendelen ikkje teke med. Totalsummen blir den same.

Håpar dette kan vera svar på spørsmålet.

Ha ei god veke vidare.

Med vennleg helsing

Samtax AS
Øyvind Haga
Dagleg leiar



Fra: Jan Erik Boge <jan.erik.boge@samnanger.kommune.no>

Sendt: onsdag 25. januar 2023 13:23

Til: Øyvind Haga <post@samtax.no>

Emne: Spørsmål i samband med evaluering av "Svinta"-skyss

Hei.

Eg viser til prøveperioden i 2022 med ordninga «Svinta»-skyss, og til brev frå Trond Haga Taxi til Samnanger kommune datert 26.10.2022, med evaluering og oppseiing av samarbeidsavtalen.

Det skal i februar 2023 leggjast fram ei sak for politisk nivå i kommunen (formannskapet og kommunestyret) om evaluering av prøveperioden med «Svinta»-skyss. Kommuneadministrasjonen held no på å skriva denne saka. Evalueringa frå Trond Haga Taxi frå 26.10.2022 vil vera ein del av saka.

I samband med skrivinga av saka har eg eit tilleggsspørsmål til evalueringa til Trond Haga Taxi, sjå avsnittet nedanfor. Eg sender denne e-posten til Samtax AS, i og med at det var Samtax AS som fakturerte kommunen for «Svinta»-skyss i slutten av avtaleperioden. Håpar de har høve til å svara på tilleggsspørsmålet.

I evalueringsbrevet frå Trond Haga Taxi gjekk det fram at ordninga ikkje kunne halda fram med dei økonomiske vilkåra som låg til grunn for samarbeidsavtalen. Kommunen betalte i avtaleperioden kr. 25 000 ekskl. mva pr. måned til Trond Haga Taxi, inkl. dagsenter-køyring. Det vil i samband med evalueringa vera nyttig for kommunen å få informasjon om kor stor månedleg kommunal betaling de trur ville vore nødvendig for at de skulle kunne ha halde fram med ordninga med «Svinta»-skyss (inkludert dagsenter-køyring). Håpar de har moglegheit til å senda meg informasjon om dette.

Ta gjerne kontakt på telefon dersom de har spørsmål eller kommentarar.

Med helsing
Jan Erik Boge
rådgjevar, Samnanger kommune
56 58 74 20 / 901 49 077 / 56 58 74 00



Samnanger kommune
- der du vil leva og bu -

Eg gjer merksam på at dette ikkje er ei privat e-postadresse; både inngåande og utgåande epost vert vurdert for journalføring i kommunen sitt sak- og arkivsystem.